

四庫全書

史部

欽定四庫全書

唐六典卷十六

唐張九齡等撰

衛尉宗正寺

衛尉寺

卿一人

少卿二人

丞二人

主簿二人

錄事二人

府六人

史十一人

亭長四人

掌固六人

兩京武庫

令各一人

丞一人

府一人

史六人

監事一人

典事二人

掌固四人

武器署

令一人

丞二人

府二人

史六人

監事一人

典事二人

掌固四人

守宮署

令一人

丞二人

府二人

史四人

監事二人

掌設六人

幕士一千六百人

掌固四人

宗正寺

卿一人

少卿二人

丞一人

主簿二人

録事一人

府五人

史九人

亭長四人

掌固四人

崇玄署

令一人

丞一人

府二人

史三人

典事六人

掌固二人

衛尉寺卿一人從三品

漢書百官表云衛尉秦官也掌宮門衛屯兵漢因之景帝中六

年更名中大夫令後元復為衛尉屬官有公車司馬
衛士旅賁三令丞又諸屯衛候司馬二十二官皆屬焉
又有長樂建章甘泉衛尉各掌其宮之職不常置後漢
衛尉又有南宮北宮衛士令丞餘同前漢荀綽百官表
衛尉品第三銀章青綬五時朝服武冠佩水蒼玉過江
省宋孝建元年復置齊因之梁天監七年置十二卿衛
尉與廷尉大匠為秋卿班第十二位視侍中兼統武庫
令陳因之後魏衛尉卿從第一品下太和二十二年降
為第三品北齊因之隋衛尉掌軍器儀仗帳幕以監門
衛掌宮門屯兵煬帝降卿為從三品皇朝因之龍朔二
年改為司衛寺正卿咸亨中復舊光宅
元年又改為司衛寺卿龍朔元年復故

少卿二人從四品上

後魏太和十五年初置少卿官第
三品上二十二年降為正四品上

北齊因之隋煬帝降為從四品皇朝因之貞觀
中置二人龍朔咸亨光宅神龍並隨寺改復

衛尉卿之職掌邦國器械文物之政令總武庫武器守
宮三署之官屬少卿為之貳凡天下兵器入京師者皆
籍其名數而藏之凡大祭祀大朝會則供其羽儀節鉞
金鼓帷帟茵席之屬其應供宿衛者每歲二時閱之其
有損弊者則移于少府監及金吾修之

丞二人從六品上

秦漢衛尉丞一人比千石魏晉並同
宋孝建元年增置一人梁陳各一人

梁選簿列卿丞班第三後魏列卿丞從五品中太和二
十二年第七品上北齊衛尉丞一人從六品下隋衛尉
丞二人品同北齊大業五年復
為從五品皇朝改為從六品上

主簿二人從七品上

漢官儀鹵簿篇衛尉駕四馬主簿前車八乘有鈴下侍閣辟車騎吏

等員晉令衛尉主簿二人宋齊衛尉並有主簿員梁天監七年十二卿各置主簿位三班陳因之比齊衛尉寺有主簿隋主簿二人皇朝武德中置二人正八品貞觀中減置一人從七品上後又置二人

錄事一人從九品上

丞掌判寺事凡器械出納之數大事則承制勅小事則

由省司

主簿掌印句檢稽失

錄事掌受事發辰

武庫令兩京各一人從六品下

周禮有司甲下大夫司弓矢下大夫司兵中士

司戈者下士並武庫之任也漢屬執金吾後漢太僕屬官有考工令丞主作兵器弓弩刀鎧之屬成則付執金吾入武庫又云武庫令六百石魏晉因之宋尚書庫部屬官有武庫令掌軍器齊因之梁衛尉寺統武庫署令丞掌甲兵及吉凶儀仗後周依周官衛尉寺統武庫署令二人皇朝因之後減置一人

丞一人從八品下

漢魏晉時並有武庫丞北齊亦同隋有武庫丞二人皇朝因之後減一人

監事一人正九品上

武庫令掌藏天下之兵仗器械辨其名數以備國用丞為之貳凡軍鼓之制有三一曰銅鼓二曰戰鼓三曰鏡

鼓世本曰巫咸作鼓周官云鼓人掌教六鼓四金之音聲以節聲樂以和軍旅以正田役以鼗鼓鼓軍事然

鼓名實繁享祀所用並具太樂鼓吹署合銅鼓蓋南中所置軍旅之間即有戰鼓復有鏡鼓馬金之制

有四一曰鐔二曰鐻三曰鏡四曰鐸周禮云以金鐔和

金鏡止鼓以金鐸通鼓鄭玄云鐻鉦也軍行鳴之以節

鼓鏡如鈴無舌鳴之以止鼓鐸大鈴振以通鼓司馬職

曰卒長執鏡兩司馬執鐸公司馬執鐻司馬振鐸行軍

鳴鐻鼓退鳴鏡且却兵戰擊鼓以進之擊金以止之

弓之制有四一曰長弓二曰角弓三曰稍弓四曰格弓

釋名曰弓穹也張之穹然其末曰彌言肅邪也以骨為

之曰弭中央曰弣所撫持也今長弓以桑柘步兵用之

角弓以筋角騎兵用之稍弓短弓也

利於近射格弓綵飾之弓羽儀所執弩之制有七一曰

擘張弩二曰角弓弩三曰木單弩四曰大木單弩五曰

竹竿弩六曰大竹竿弩七曰伏遠弩

釋名曰弩怒也有怒勢也其柄曰臂

似人臂也鈎弦者曰牙似牙齒也牙外曰郭為牙之規郭也合名之曰機言如機之巧也亦言如門戶樞機開闔有節也蔡邕曰冀州強弩幽州突騎天下之精也漢書有遠望連弩射法十五篇華嶠後漢書云陳敬王寵善弩射其秘法以天覆地載參連為奇入有三微三小三微為經三小為緯萬勝之方然要在機牙其射至十發十中皆全孔魏氏春秋曰諸葛亮損益連弩謂之元戎以鐵為矢矢長八寸一弩十矢俱發周禮司弓掌六弓四弩今擘張弩小弩步兵所用角弓弩騎兵所用木單竹竿伏遠等弩其力益大所及漸遠

箭之制

有四一曰竹箭二曰木箭三曰兵箭四曰弩箭

周禮司弓矢掌

八矢之法枉矢絜矢利矢火射用諸守城車戰殺矢鏃矢
用諸近射田獵矰矢弗矢用諸弋射恒矢庫矢用諸散
射方言曰自闕而東謂之矢江淮之間謂之鏃關西謂
之箭其本曰鏃體曰幹其旁曰羽其矢末曰括其括旁
曰义又通俗丈曰骨鏃曰體鐵鏃曰鏃鳴箭曰散霍葉
曰鈇皆古之制也竹箭以竹為筈諸箭亦通用木箭以
木為筈唯利射獵兵箭剛鏃而長用之射甲弩箭皮羽
而短用之陷堅也

儀刀二曰鄣刀三曰橫刀四曰陌刀
釋名曰刀末曰鋒其本曰環今儀刀

蓋古班劍之類宋晉已來謂之御刀後魏曰長刀皆施
龍鳳環至隋謂之儀刀裝以金銀羽儀所執鄣刀蓋用
鄣身以御敵橫刀佩刀也兵士所佩名亦起
於隋陌刀長刀也步兵所持蓋古之斷馬劍

四一曰漆槍二曰木槍三曰白幹槍四曰撲頭槍
釋名曰牙

冑也刃下冑矜也丈八尺曰稍馬上所執蓋今之漆槍
短騎兵用之木槍長步兵用之白幹槍羽林所執撲頭
槍金吾所執也甲之制十有三一曰明光甲二曰光要甲三曰

細鱗甲四曰山文甲五曰烏鎚甲六曰白布甲七曰皂

絹甲八曰布背甲九曰步兵甲十曰皮甲十有一曰木

甲十有二曰鎧子甲十有三曰馬甲

甲似物之乎甲以自衛也史記曰楚

人鮫革以為甲漢書曰魏氏武卒衣三屬之甲謂上身
一牌禪一兜鍪一凡三屬也今明光光要細鱗山文烏
鎚鎧子皆鐵甲也皮甲以犀兕為之其餘皆因所用物名焉彭排之制有六一曰膝

排二曰團排三曰漆排四曰木排五曰聯木排六曰皮

排

釋名曰彭旁也在旁排敵禦寇也慕丈曰鹵大楯也今謂之彭排故諸葛亮曰帳下持彭排百枚其膝團

漆木皮皆古制也蓋亦因其所用物為名馬

旗之制三十有二一曰青龍旗

二曰白獸旗三曰朱雀旗四曰玄武旗五曰黃龍負圖

旗六曰應龍旗七曰龍馬旗八曰玉馬旗九曰鳳凰旗

十曰鸞旗十一曰鷓鴣旗十二曰太平旗十三曰麒麟

旗十四曰飛麟旗十五曰飛黃旗十六曰馱馱旗十七

曰白澤旗十八曰五牛旗十九曰犀牛旗二十曰金牛

旗二十一曰兕旗二十二曰三角獸旗二十三曰角端

旗二十四曰吉利旗二十五曰驪騮旗二十六曰鬻牙

旗二十七曰黃鹿旗二十八曰白狼旗二十九曰赤熊

旗三十曰辟邪旗三十一曰芑文旗三十二曰刃旗

周禮

司常掌九旗之名物日月為常交龍為旂通帛為旗雜帛為物熊虎為旗鳥隼為旗龜蛇為旐全羽為旛析羽為旌列子曰黃帝與炎帝戰于阪泉之野以雕鶚鷹為旗今白澤旗朱雀辟邪玄武等旗金吾隊所執青龍白獸麒麟角端赤熊等旗左右衛隊所執鳳凰飛黃吉利兕旗太平等旗驍衛隊所執五牛飛麟馱騏驎旗犀牛鷄鷄驪騮等旗武衛隊所執應龍三角玉馬白狼龍馬金牛等旗領軍隊所執黃龍負圖黃鹿鬻牙蒼鳥等旗威衛隊所執芑文旗脚

袍之制有五一曰青袍二曰

為芑文丹旗火爛燔也

緋袍三曰黃袍四曰白袍五曰皂袍

說文曰袍襦也以絮曰襦以緇曰袍

今之袍皆繡畫以武豹鷹鷄之類以助兵威也

器用之制有八一曰大角

樂錄曰角

者說云蚩尤氏率魍魎與黃帝戰于涿鹿帝乃始命吹角為龍鳴以禦之至魏武北征烏丸度沙漠而軍士思歸於是減為中鳴而尤更悲矣胡角者本以應胡笳之聲後漸用之故有長鳴中鳴故角凡三部今唯有大角金吾主二曰纛

後漢有纛頭每天子行幸及大軍征伐則建于旗上隋煬帝親征遼左每百人

置一纛皇朝因而用之

三曰鉞斧

石氏星經曰天鉞一星在井旁輿服志曰鉞黃帝所造塗以黃

金行則載以車可以斬戮傳云湯伐昆吾躬把大鉞武王入商國周公把大鉞畢公把小鉞以夾王以鉞為之六韜云武王軍中有大柯斧丹廣八寸重八斤名為天鉞即今之大鉞也魏晉已來上公親征猶假其器

四

曰鐵蒺藜

漢書晁錯上疏云磊石渠答注云渠答鐵蒺藜也至隋煬帝征遼布鐵菱於地亦其類也

五曰棒

太公六韜曰方扇及鐵楛重十二斤柄長五尺千二百枚一名天楛星占云天楛五星天之杖

也

六曰鈎

越絕書云船軍之備必備長斧長鈎者所以鈎引敵船也七曰鐵盃

古謂

之盃蓋今之鐵鍋也為軍中食器也

八曰水斗

漢書云斗所以量多少今軍中用斗以汲水凡

諸道行軍皆給鼓角三萬人已上給大角十四具大鼓

二十面二萬人已上大角八具大鼓十四面萬人已上

大角六具大鼓十面萬人已下臨事量給其鎮軍則給

三分之一凡大駕親征及大田巡狩以羝羊豸猪雄鷄

釁鼓若皇太子親征及大將軍出師則用狻裼凡有赦

則先建金鷄兼置鼓於宮城門之右視大理及府縣囚

徒至則過其鼓

關東風俗傳云宋孝王嘗問先達司馬膺之曰後魏北齊赦日建金鷄事膺之

曰按海中星占天鷄星動必當有赦蓋王者以鷄為赦候按其所設其制始於後魏不知起自何帝也隋書刑法志曰北齊赦日皆武庫令設金鷄及鼓於闕門右過鼓千聲宣赦釋囚徒隋因之牛弘大興記曰赦日建金鷄自後魏以來常然或云起於呂后末之詳也

武器署令一人正八品下

隋行臺尚書省有武器監令錄事皇朝永徽中始置其署

以上
器仗

丞二人從九品下

隋置皇朝因之

監事一人從九品下

武器署令掌在外戎器辨其名物會其出入丞為之貳凡大祭祀大朝會大駕巡幸則納於武庫供其鹵簿若王公百官拜命及婚葬之禮應給鹵簿及三品已上官合列檠戟者並給焉

守宮署令一人正八品下

漢少府屬官有守宮令丞主御紙筆墨及財物諸用并封

泥之事晉光祿勳屬官有守宮令梁陳大匠卿屬官有守宮令負北齊光祿寺統守宮令丞掌凡張設之事隋

衛尉守統守宮署令
二人 皇朝減一人

丞二人 正九品下

隋守宮丞四人
皇朝減置二人

監事二人 從九品下

守宮署令掌邦國供帳之屬辨其名物會其出入丞為
之貳凡大祭祀大朝會大駕巡幸則設王公百官位於
正殿南門外若吏部禮部兵部考功試人則供帳幕之
屬若王公婚禮亦供其張具

宗正寺卿一人 從三品

石氏星經云宗正二星在帝座
東南周禮小宗伯掌三族之別

以辨親疎漢百官表云宗正秦官掌親屬平帝元始四年更名宗伯王莽并其官於秩宗光武復置續漢書百官志宗正掌序錄王國嫡庶之次宗室親屬遠近漢宗正之官不以他族楚元王子郢客劉辟強劉德等迹為之魏亦以宗室居之晉桓溫奏省屬太常宗齊並不置梁天監七年乃置焉宗正春卿位視列曹尚書皆以宗室為之班第十三陳因之後魏亦曰宗正卿第二品上北齊第三品隋開皇初宗正卿三品煬帝為從三品皇朝因之光宅元年改為司屬神龍初復為宗正

少卿二人從四品上

後魏太和初置少卿第三品二十三年為第四品隋初正四品煬

帝降為從四品皇朝因之

丞一人從六品上

漢宗正有丞秩千石歷魏晉亦如之東晉省宗齊因之梁宗正丞為四班

陳六百石第八品後魏第七品北齊因之隋初丞二人並七品下煬帝大業五年增為從五品皇朝置一人從六品上

主簿二人從七品上

梁天監十年置為七班陳因之北齊同隋置二人皇朝置一人開元

二十五年加一人自卿以下並於宗室中擇才行者補授也

錄事一人從九品上

宗正卿之職掌皇九族六親之屬籍以別昭穆之序紀親疏之列并領崇玄署少卿為之貳九廟之子孫其族五十有九光皇帝一族定州刺史乞豆景皇帝之族六

譙蔡畢雍郇鄭

譙王蔡王
二族無後

元皇帝之族三梁蜀漢

梁王漢王

二族無後

高祖之族二十有一隱太子衛巢楚荆漢鄧周徐

韓彭鄭霍號道鄧舒魯江密滕

隱太子衛王巢王楚王荆王漢王鄧王周王八

族無後

太宗之族十有三恒山楚吳濮齊蜀蔣越紀代江

趙曹

楚王齊王蜀王越王江王代王趙王七族無後恒山王貞觀中降為庶人開元二十四年孫適之為

御史大夫朝政肅清多所綱紀
上嘉其才能因追雪而復舊焉

高宗之族六梁許澤郇

孝敬章懷

梁王許王孝敬三族無後郇王追封許王

中宗之族四懿德庶人

節閔殤帝

懿德太子庶人重福殤帝並無後

睿宗之族五寧王惠莊惠

文惠宣隋王

隋王
無後

凡太皇太后皇太后皇后之親分五

等皆先定於司封宗正受而統焉凡皇周親皇后父母

為第一等準三品皇大功親皇小功尊屬太皇太后皇

太后皇后周親為第二等準四品皇小功親皇總麻尊

屬太皇太后皇太后皇后周大功親為第三等準五品

皇總麻親為第四等皇袒免親太皇太后小功卑屬皇

太后皇后總麻親及舅母姨夫為第五等並準六品其

籍如州縣之法凡大祭祀及冊命朝會之禮皇親諸親

應陪位豫會者則為之簿書以申司封若皇親為王公子孫應襲封者亦如之

丞掌判寺事

主簿掌印及勾檢稽失

宗玄署令一人正八品下

北齊有昭玄寺掌釋道二教置大統一人都維那三人亦

有主簿功曹員以管諸州縣沙門又鴻臚寺統典寺署有丞一人後周有司寂上士中士掌法門之政又有司玄中士下士掌道門之政隋置崇玄署令丞煬帝改佛寺為道場改道觀為玄壇各置監丞皇朝又為崇玄署令又置諸寺觀監隸鴻臚寺每寺觀各監一人貞觀中省開元二十五年敕以為道本玄元皇帝之教不宜屬

鴻臚自今已後道士女道士並宜屬宗正以光我
本根故署亦隨而隸焉其僧尼別隸尚書祠部也

丞一人正九品下

北齊昭玄寺有僧祇部丞隋
崇玄署丞一人皇朝因之

崇玄令掌京都諸觀之名數道士之帳籍與其齋醮之

事丞為之貳

唐六典卷十六

欽定四庫全書

唐六典卷十七

唐 張九齡等 撰

太僕寺

太僕寺

卿一人

少卿二人

丞四人

主簿二人

錄事二人

府十七人

史三十四人

獸醫六百人

獸醫博士一人

學生一百人

亭長四人

掌固六人

乘黃署

令一人

丞一人

府一人

史二人

典事八人

駕事一百四十人

羊車小史八人

掌固六人

典廐署

令二人

丞二人

府四人

史八人

主乘六人

典事八人

執馭一百人

駕士八百人

掌固六人

典牧署

令三人

丞四人

府四人

史八人

監事八人

典事十六人

主輅七十四人

駕士一百六十人

掌固四人

車府署

令一人

丞一人

史二人

典事四人

馭士一百七十五人

掌固六人

諸上牧監

監各一人

副監二人

丞二人

主簿一人

錄事一人

府三人

史六人

典事八人

掌固四人

中牧監副監丞府各減一人典事史減二人

下牧監典事掌固減二人

沙苑監

監一人

副監一人

丞一人

主簿一人

錄事一人

府三人

史六人

典事四人

掌固二人

太僕寺卿一人從三品

周禮有太僕下大夫二人穆王命伯冏為太僕正漢書百官表

云太僕秦官掌輿馬秩中二千石有兩丞屬官有大廐未央廐家馬三令各五丞一尉又車府路軫騎馬駿馬四令丞又龍馬閑駒橐泉駒駘承華五監丞又邊郡六牧師苑令各三丞又有中太僕掌皇太后輿馬不常置漢官儀云天子駕出太僕御屬車八十一乘後漢有車府未央廐長樂廐令丞魏因之晉太僕銀章青綬五時朝服進賢兩梁冠佩水蒼玉品第四丞一人部丞五人置功曹主簿五官等員統典農典虞都尉典虞丞牧官都尉左右中典牧都尉典牧令諸羊牧丞乘黃驎龍馬三廐令過江省其後又置成帝咸和七年省併宗

正蓋有事則權買無事則省宋因晉不置若如祀則權
置太僕執轡事畢省齊亦如之梁天監七年置十二卿
太僕與太府少府為夏卿統南牧左右牧龍廐內外廐
班第十陳因之後魏太僕卿第二品上又置少卿太和
二十二年九卿並第三品北齊太僕寺統驛駟左右龍
左右北駟牛司羊乘黃車府等署後周依周官隋太僕
寺統驛駟乘黃龍廐車府典牧牛羊等署煬帝降卿為
從三品減驛駟署入殿內省尚乘局改龍廐曰典廐署
又有左右駮阜二廐加置主乘司庫司廩官罷牛羊署
皇朝因之而省駮阜等諸官龍朔二年改為司馭寺正
卿咸亨中復舊光宅元年改
為司僕寺神龍元年復故

少卿二人從四品上

後魏太和十五年九卿各置少卿
一人品第三上二十二年降為正

四品上北齊因之隋加至二員煬帝降為從四
品上皇朝因之龍朔咸亨光宅神龍隨寺改復

太僕卿之職掌邦國廐牧車輿之政令總乘黃典廐典
牧車府四署及諸監牧之官屬少卿為之貳凡國有大
禮大駕行幸則供其五輅屬車之屬凡監牧所通羊馬
籍帳則受而會之以上於尚書駕部以議其官吏之考
課凡四仲之月祭馬祖馬步先牧馬社

丞四人從六品上

秦漢太僕有兩丞秩千石後漢一人
魏晉並因之東晉宋省或置宋齊省

梁天監七年置十二卿各有丞列卿丞通視朝請班第
三陳因之後魏列卿丞從五品中太和未降為七品上
北齊丞一人從六品下隋太僕丞三人品同北齊大業
五年加為從五品皇朝復為從七品上武德中減置二

人永徽中加一人開元初又
加一人領獸醫博士學生等

主簿二人從七品上

梁天監七年十二卿各置主簿二人位不登十八班者別置七班主

簿班第三陳因之北齊置一人隋置二人皇朝
因之武德中品正第八貞觀中加至從七品上

錄事二人從九品上

丞掌判寺事凡補獸醫生皆以庶人之子考試其業成
者補為獸醫業優長者進為博士

主簿掌印勾檢稽失省署抄目

錄事掌受事發辰

乘黃署令一人從七品下

乘黃古神馬名亦曰飛黃背有角日行萬里六韜云乘黃

震死淮南子云天下有道飛黃伏阜然車馬職全後漢有未央廐今長樂廐丞至魏遂改為乘黃廐晉因之宋

太常屬官有乘黃令一人掌乘輿金根車及安車追鋒諸馬車齊職儀云乘黃獸名也龍翼馬身黃帝乘之而

僊因以名廐乘黃令品第七秩四百石銅印墨綬進賢一梁冠絳朝服梁太常屬官有乘黃令丞三品勲位陳

因之後魏有乘黃令丞北齊掌諸輦輅隋太僕寺統乘黃署令丞皇朝因之領駕士羊車小史等

丞一人從八品下

魏有乘黃丞晉因之宋齊並有乘黃令無丞梁陳後魏北齊隋並有乘黃

丞皇朝因之

乘黃令掌天下車輅辨其名數與馴馭之法丞

為之貳凡乘輿五輅

周禮巾車式掌王五輅有五金象革木之制至秦唯乘金根車漢承

秦制以為承輿晉武帝始備五輅為天子法車宋齊梁陳相因不絕後魏五輅各依方色並駕五馬後周設六官置司輅之職皇帝之輅十有二等一曰蒼輅二曰青輅三曰朱輅四曰黃輅五曰白輅六曰玄輅七曰玉輅八曰碧輅九曰金輅十曰象輅十一曰革輅十二曰木輅後閔視武庫得魏舊物有乾象輅駕二十四馬又有大輅輦車駕二十牛又有象輅初駕二象後以六駝代之皆魏天輿中之所制也宣帝以來皆服御之燕以賜皇后隋開皇元年以魏周輿輦一曰玉輅祭祀納后則非古之制皆廢毀改造五輅也

乘之二曰金輅饗射郊征還飲至則乘之三曰象輅行

道則乘之四曰革輅巡狩臨兵事則乘之五曰木輅田

獵則乘之

凡玉輅青質以玉飾諸末駕六蒼龍金輅赤質以金飾諸末駕六赤駝象輅黃質以黃飾

諸末駕六黃駟革轂白質鞅之以革駕
六白駱木轂黑質漆之駕六黑驪也

五轂皆重輿左

青龍右白獸金鳳翅畫苴丈鳥獸黃屋左纛金鳳一在

軾前十二鑾在衡二鈴在軾龍輶前設障塵

青蓋三層黃裏繡飾

上設博山方鏡下圓鏡

樹羽輪金根朱班重牙左建旂十有二旒

皆畫升龍其長曳地青繡綢杠右載闐戟長四尺廣三

尺黼文旂首金龍頭銜錦結綬及綏帶垂鈴金鑲方鈇

插翟尾五焦鏤錫鞶纓十二就

闕

鞶纓皆從轂質

耕根車青質三重蓋飾如玉輅安車金飾重輿曲壁八

鑿在衡紫油通轆紫油纁朱裏朱絲絡網朱髻纓朱覆

髮具絡四望車制同安車金飾八鑿在衡青油通轆青

油纁朱裏朱絲絡網

大駕則太僕卿馭五輅駕士百三十二人並平巾幘青衫大口袴千

牛將軍一人陪乘

五輅皆有副車

按蔡邕獨斷云五輅之外復設五色安車立車各一乘皆

駕四馬是為五輅副車故張良擊始皇中副車魏志云天子命太僕駕金根六馬設五時副車江左乃闕至闕

始備隋開皇十四年始造五輅及貳皇朝因之

又有指南車

崔豹古今注云指南車舊說云周公

所作也周公理致太平越裳氏重譯來獻使者連其歸路周公錫以輶車五乘皆為司南之制使越裳氏載之周年而至其國故常為先導示服遠人而正四方也秦漢其制無間後漢張衡始復創造漢末喪亂其法不存

沈約宋書云魏明帝始令博士馬鈞造之晉亂又亡石虎使鮮飛姚興使令狐生又造宋武平關中得之其制

如鼓車設木人於車上舉手指南車驟回轉所指微差至齊祖冲之又造之歷梁陳隋無所變改皇朝因之駕

四馬正道先啓而行記里鼓車崔豹古今注云車上為匠一人駕五十四人二層皆有木人執槌行

一里下一層擊鼓行十里上一層白鷺車隋志名鼓吹擊獨亦名大章車所以識道里也車上施層樓

樓上有翔鷺旗車謂析羽旄而編之十二旒列繫幢傍鷺樓馬鷺旗車謂析羽旄而編之十二旒列繫幢傍

也辟惡車崔豹古今注云秦制也挑弓葦矢所以禳祓不祥太卜令一人在車執弓箭平巾幘緋衲

福大皮軒車晉志以獸皮為軒左金吾衛隊正一人在車執弩服同太卜令自指南車皆駕四馬

正道匠一人駕耕根車晉志云建赤旗十有二旒天子親耕所乘也一名芝車一名三

蓋車置耒耜於軾上駕六馬駕士三十二人

安車

晉輿服志云座乘謂之安車倚乘謂之立車各一乘

名五時車俗謂之五帝車駕四馬駕士二十四人

四望車

晉志云陽遂四望總窓阜輪小形車駕牛

晉中朝大駕鹵簿曰御四望車駕牛中道皇朝駕四馬也

羊車

周遷輿服雜事曰羊車一名輦車其上如

輶伏兔箱漆畫輪輓小兒衣青布袴褶紫碧繡青耳履五辨鬢數人引之今代名為羊車小史而漢代或以人

牽或以駕果下馬晉志曰武帝乘羊車於後宮恣意所之宮女插竹葉楊條候帝之來

黃鉞車

崔豹

古今注云黃鉞三代通用以斷斬今以黃鉞為乘輿之飾武王以黃鉞斬紂故王者以為戒駕二馬左武衛隊

正一人在車執之武弁朱衣革帶駕士十二人

豹尾車

崔豹古今注云豹尾車周制也所以象君

子豹變尾言謙也古車正建之今唯乘輿得建焉漢書曰成帝以幸姬趙飛燕置屬車間豹尾中駕二馬右武

衛隊正一人在車執之武弁屬車一十有二副車一曰朱衣草帶駕士十二人也

貳車一曰佐車漢因秦制大駕屬車八十一乘行則中央左右分之法駕屬車三十六乘最後車懸豹尾皆阜盖朱乘蔡邕獨斷曰古者諸侯貳車九乘秦滅九國兼其車服故為八十一乘漢武祠太乙甘泉皆畫用之明帝上原陵又用之法駕三十六乘小駕一十二乘大業初備八十一乘三年帝嫌其多問閻毗毗曰此起於秦遂為後式宋孝建時議準旂旒之數設十二乘令憲章往古大駕依秦法駕依漢小駕依宋帝曰大駕宜三十六法駕宜用十二小駕除之可也皇朝因之置十二乘駕牛駕士各八人自指南車駕士皆平巾幘緋衫大口袴唯耕根車青衫羊車服則殊也

大駕則用之若法駕則減五副輅白

鷺辟惡安車四望車四分屬車之一餘同大駕若小駕

又減象輅革輅木輅指南車記里鼓車鸞旗皮軒耕根
羊車屬車黃鉞豹尾等車餘同法駕若有大禮則以所
御之輅進內既事則受而藏之凡將有事先期四十日
尚乘供馬如輅色率駕士預調習指南等車亦如之

典廡署令二人從七品下

周禮有校人圉師趣馬掌天子十有二閑之馬漢太僕屬

官有大廡未央廡後漢太僕屬官有未央廡主乘輿及
宮中諸馬其後置左駿廡令別主乘輿御馬魏有驂駟
廡令晉太僕統乘黃驂駟龍馬等廡令過江之後或省
或置哀帝時省驂駟為門下之職宋齊因之梁太僕統
龍廡內外廡陳因之後周有左右廡各上士一人北齊
太僕寺統驂駟左右龍等署隋太僕寺統龍廡署皇朝

改為典廐署令
領執馭駕士等

丞二人從八品下

隋有龍廐丞皇朝改為典廐丞武德中四人今減二人

主乘六人正九品下

隋置皇朝因之

典廐令掌繫飼馬牛給養雜畜之事丞為之貳凡象一

給二十細馬一中馬二駕馬三駝牛騾各四驢及純犢

各六羊二十各給一丁

純謂色不雜者若飼黃未及青草各準運處遠近臨時加給也

乳駒乳犢十給一丁凡象日給稟六圍馬駝牛各一圍

羊十一共一圍

每圍以三尺為限也

蜀馬與騾各八分其圍騾四

分其圍乳駒乳犢五共一圍青芻倍之凡象日給稻菽

各三斗鹽一升馬粟一斗鹽六勺乳者倍之駝及牛之

乳者運者各以斗菽田牛羊之駝鹽三合牛鹽二合羊

粟菽各升有四合鹽六勺

象馬騾牛駝飼青草日粟豆各減半鹽則恒給飼禾及青

豈者粟豆全斷若無青可飼粟豆依舊給其象至冬給羊皮及故氈作衣也

典牧署令三人正八品上

周禮牧師下士四人掌牧馬而頌之秦漢太僕屬官有牧

師苑令皆在邊郡歷魏晉已下皆牧監之職隋太僕寺統典牧署牛羊署等令丞皇朝因之武德中二人令加

置三人領上

輅駕士等

丞四人止九品上

隋置皇朝因之武德中三人今加至四人

監事八人從九品下

典牧令掌諸牧雜畜給納之事丞為之貳凡羣牧所送羊犢皆受之而供於廩犧尚食之用諸司合供者亦如之

車府署令一人正八品下

秦置車府令以趙高為之漢太僕屬官有車府令丞後漢

主乘輿諸車魏晉因之宋齊梁陳並尚書駕部領後魏闕文北齊太僕寺領車府令丞遂與乘黃令分職隋因

之皇朝

因隋

丞一人止九品下

秦漢已來車府署並有丞一人
隋車府丞二人皇朝省置一人

車府令掌王公已下車輅辨其名數及馴馭之法丞為

之貳凡王公已下車輅一曰象輅二曰革輅三曰木輅

四曰輅車

象輅以象牙飾諸末畫輪八鑾在衡左建旂
畫龍一升一降右截闌戟革輅以革飾諸末

左建通帛為旌餘同象輅木輅以漆飾之餘同革輅三
輅皆朱質朱蓋朱旒旒一品九旒二品八旒三品七旒
四品六旒其繫纓就數亦如
之輅車曲壁青通轆碧棗也

凡春秋二時謁陵冊命王公及內外職事四品已上拜

官止冬朝會婚葬奉使皆視其品秩而給之親王以象

輅三品已上以革輅五品已上以木輅京縣令以輅車

道大駕及初上給之其婚葬則從京官三品已上給其

馭

給駕士親王十有一品十有六二品十有四各駕以馬駱四輅車一三品十有二四品五品十有關縣令

也大凡輅車之馬率馭士預調習之然後入輅及車以牛

駕者亦如之

上牧監一人從五品下

漢舊儀太僕牧師諸苑三十六所分布北邊西邊以郎為苑監

官奴婢三萬人分養馬三十萬頭擇取教習給六廐牛羊無數以給犧牲中興者漢陽有牧馬苑今羽林郎監領魏置牧官都尉晉因之宋齊閩文梁太僕統南牧左右牧等丞陳因之後魏閩文北齊太僕寺統左右北馳

牛司羊等署令丞後周有典牲典牝上士一人中士一人又有典馳典羊各有中士一人隋太僕寺統典牧署牛羊署等令丞皇朝因分為牧監

副監二人正六品下

丞二人正八品上

主簿一人正九品下

並皇朝置

中牧監一人正六品下

副監一人從六品下

丞一人從八品上

主簿一人從九品上

下牧監一人從六品下

副監一人正七品下

丞一人正九品上

主簿一人從九品下

諸牧監掌羣牧孳課之事凡馬五千匹為上監三千匹
已上為中監已下為下監凡馬牛之羣以百二十駝騾
驢之羣以七十羊之羣以六百二十羣有牧長牧尉

補長

以六品已下子白丁雜色人等為之補尉以散官八品已下子為之品子八考白丁十考隨文武簡試與資也

凡馬有左右監以別其麤良以數紀為名而著其簿籍

細馬之監稱左麤馬之監稱右

其雜畜牧皆同下監仍以土地為其監名

凡

馬各以年名籍之每歲季夏造至孟秋羣牧使以諸監

之籍合為一

諸羣牧別立南使北使西使東使以分統之

常以仲秋上於寺

凡馬以季春游牝

月令季春乃合累牛騰馬游牝于牧

其駒犢在牧三歲

別羣

若與本羣同牧不別給牧人

馬牧牝馬四游五課馳四游六課

牛驢三游四課羊三游四課

四五者皆言其歲而游牝也羊則當年而課之其課

各有率謂牛馬騾之牝百而歲課駒犢各以六十馬二十歲則不課三歲游牝而生駒者仍別簿申騾駒半之若馬從外蕃而至者初年課以四十二年五十二年全課牝駒百而三年之課七十羔羊之白者七十殺者

八凡監牧孳生過分則賞

謂馬賸駒一則賞絹一匹駒騾之賸倍於馬驢牛之賸三

白羊之賸七殺羊之賸十皆與馬同具賞物二分入長一分入牧子牧子謂長上專當者其監官及牧尉各通計所管長尉賞之通計謂尉官十五長者賸駒十五匹賞絹一匹監官管尉五者賸駒七十五匹賞絹一匹之類計加亦準此應賞者準印後定數先填死耗足外然後計酬之

其有死耗者每歲亦

以率除之

謂駒馬百頭以七頭為耗騾以六牛驢殺羊以十白羊以十五從外蕃而新至者馬牛驢

殺羊皆除二十二年除十五駒除十四二年除十騾除十二年除九白羊除二十五二年除二十三年皆同耗

也若歲疫以私畜準同者以疫除

準牧側近私畜疫死數同則聽以疫除馬

不在疫除之例即馬牛一十一歲以上不入耗除限若緣非時霜雪死多者錄奏

凡官畜在牧

而亡失者給程以訪過日不獲估而徵之

謂給訪限百

處當時估價徵納牧子及長各知其半若戶奴無財者準銅依加杖例如有關及身死唯徵見在人分其在廐失者主帥準牧長飼丁準牧子其非理死損準本畜徵納也凡在牧之馬皆印印右

小官字右髀以年辰尾側以監名皆依左右廂若形容端正擬送尚乘不用監名二歲始春則量其力又以飛字印印其左髀膊細馬次馬以龍形印印其項左送尚乘者尾側依左右閑印以三花其餘雜馬送尚乘者以風字印印左膊以飛字印印左髀驃牛驢則官名誌其左膊監名誌其右髀馳羊則官名誌其頰羊仍割耳若

經印之後簡入別所者各以新入處監名印其左頰官馬賜人者以賜字印配諸軍及充傳送驛者以出字印

並印左右頰也

凡每歲進馬麤良有差使司每歲簡細馬五十

匹數馬一百疋進之若諸監之細馬生駒以其數申所由司次入寺其四歲以下麤馬每年簡充諸衛官馬凡馬牛皮脯及筋角之屬皆納于有司每年終監牧使巡按孳課之數以功過相除為之考課焉

沙苑監監一人從六品下

沙苑在同州

副監一人正七品下

丞一人正九品上

主簿一人從九品下

沙苑監掌牧養隴右諸牧牛羊以供其宴會祭祀及尚

食所用每歲與典牧分月以供之丞為之貳

凡屠宰國忌廢務日

立春前後十日每月一日八日十四日十五日十八日

二十三日二十四日二十八日二十九日三十日每歲

正月五月九月皆罷之諸雜畜及若百司應供者則以

時皆供之凡羊毛及雜畜皮角皆具數申送所由焉

一本

云太僕屬官有沙苑監開元二十三年省

唐六典卷十七

欽定四庫全書

史部

唐六典卷

十八至
二十

詳校官監察御史臣劉芬

編修臣程嘉謨覆勘

總校官庶吉士臣倉聖脉

校對官檢討臣龔大萬

謄錄監生臣胡金石

謄錄監生臣張大本

欽定四庫全書

唐六典卷十八

唐張九齡等撰

大理寺鴻臚寺

大理寺

卿一人

少卿二人

正二人

丞六人

主簿二人

錄事二人

府二十八人

史五十六人

獄丞四人

獄史六人

亭長四人

掌固十八人

問事一百人

司直六人

史十二人

評事十二人

史二十四人

鴻臚寺

卿一人

少卿二人

丞二人

主簿一人

錄事二人

府五人

史十人

亭長四人

掌固六人

典客署

令一人

丞二人

掌客十五人

典客十三人

府四人

史八人

賓僕十八人

掌固二人

司儀署

令一人

丞一人

司儀六人

府二人

史四人

掌設十八人

齋郎三十三人

掌固四人

幕士六十人

大理寺卿一人從三品

尚書云帝曰咎繇汝作士五刑有服孔安國注曰士理官也周

官為司寇韓詩外傳云晋文公使李離為理理謂察理刑獄也史記天官書斗魁四星貴人之宰曰大理漢書百官表云廷尉秦官掌刑辟有正左右監景帝更名大理秩中二千石武帝復為廷尉宣帝置左右廷尉平哀帝復為大理王莽改曰作士後漢復為廷尉魏初為大理後復為廷尉置律博士晉置丞主簿明法掾歷宋齊皆為廷尉梁為秋卿班第十三陳因之後魏置少卿司直北齊及隋為大理寺隋置評事皇朝因之龍朔二年改為詳刑寺正卿咸亨元年復為大理光宅元年改為司刑寺神龍元年復故兩漢卿秩中二千石魏晉宋齊

梁陳俱第三品後魏第二品上太和以後降
為第三品隋止第三品皇朝降為從三品

少卿二人從四品上

後魏置為第三品上太和以後降
為第四品上北齊第四品隋因之

皇朝置二人降
為從四品上

大理卿之職掌邦國折獄詳刑之事以五聽察其情一

曰氣聽二曰色聽三曰視聽四曰聲聽五曰詞聽以三

慮盡其理一曰明慎以讞疑獄二曰哀矜以雪冤獄三

曰公平以鞠庶獄少卿為之貳凡諸司百官所送犯徒

刑已上九品已上犯除免官當庶人犯流死已上者詳

而質之以上刑部仍於中書門下詳覆

其杖刑已下則決之

若禁

囚有推決未盡留繫未結者五日一慮若淹延久繫不被推詰或其狀可知而推證未盡或訟一人數事及被訟人有數事重事實而輕事未決者咸慮而決之凡中

外官吏有犯經斷奏訖而猶稱寃者則審詳其狀

開元八年

敕內外官犯贓賄及私坐成殿公坐官當已上有合許雪及減罪者並令大理審詳犯狀申刑部詳覆知實寃

濫乃錄送中書門下其有遠年斷雪近請除痕亦準此其餘具刑部格

凡吏曹補署法官

則與刑部尚書侍郎議其人可否然後注擬

大理正二人從五品下

秦置廷尉正一人漢因之與監及平謂之廷尉三官秩千石魏

氏第六品晉置二人宋齊梁陳並一人品全魏氏後魏第六品上北齊及隋並正第六品煬帝增置六人皇朝置二人龍朔二年改為詳刑大夫咸亨元年改為大理正光宅元年改為司刑正神龍初復舊

丞六人從六品上

晉武帝咸寧中曹志上書請廷尉置丞自此始也宋齊梁各置一人第七

品陳第八品後魏第七品大業三年改丞為勾檢皇朝置六人增品從六品上

主簿二人從七品上

魏晉宋齊梁陳大理皆有主簿晉至陳俱二人正七品上皇朝因而

降之

錄事二人從九品上

獄丞四人從九品下

晉令有獄左右丞各一人宋齊因之史闕其品秩梁陳置獄丞二人

第七品後魏北齊亦二人止九品下隋置獄掾八人歷代並以卑微士為之皇朝置四人以流外入仕者為之

司直六人從六品上

後魏永安三年御史中尉高穆奏置司直十人視五品隸廷尉位在

正監上不置曹士唯覆理御史劾事北齊及隋因之並置十人從第五品下皇朝置六人降為從第六品上

評事十二人從八品下

漢書云宣帝地節三年置廷尉平秩六百石員四人其務在平

刑獄故曰廷平至後漢光武省右平唯置左平魏晉以來不復云左但云廷尉平宋齊各一人第六品陳第七

品後魏北齊及隋各置一人止第六品下官為評事皇朝因之置十二人從八品下

大理正掌參議刑獄詳正科條之事凡六丞斷罪有不

當者則以法正之凡內外官及爵五品已上犯罪至棄市者並監決若車駕巡幸在京則都一人留守以總卿貳之職在都則京亦如之

丞掌分判寺事凡有犯皆據其本狀以正刑名

六丞判尚書六

曹所統百司及諸州之務其刑部丞掌押獄每一丞斷事五丞同押若有異見則得各言其不同之致也

徒已上各呼囚與其家屬告以罪名問其狀款不伏則

聽其自理

無理者便以元狀斷定上刑部刑部覆有異同者下於寺更詳其情理以申或改斷焉

主簿掌印省署抄目勾檢稽失凡官吏之負犯并雪寃

者則據所由文牒而立簿焉凡贖銅者一斤為一負公
坐而贖銅者二斤為一負各十負為一殿其有犯人未
附而會恩免者本犯至免官以上及犯贓賄

闕

--	--	--	--	--	--	--	--

大正十一年

四月

二

--	--	--	--	--	--	--	--	--

卿一人正第三品統典客司儀崇玄等三署開皇三年省并太常十二年復舊煬帝降卿為從三品皇朝依馬龍朔二年改為同文正卿咸亨元年復曰鴻臚光宅元年改為司賓寺卿神龍元年復舊舊屬官有崇玄署開元二十五年敕改隸宗正寺

少卿二人從四品下

後魏太和十五年九卿各署少卿一人第三品上三十二年降為正

四品上北齊因之後周有小貲部下大夫一人隋依北齊煬帝加置少卿二人降為從四品皇朝武德中置一人貞觀中加置二人龍朔咸亨光宅神龍並隨寺改復

鴻臚卿之職掌賓客及凶儀之事領典客司儀二署以

率其官屬而供其職務少卿為之貳凡四方夷狄君長朝見者辨其等位以賓待之凡二王之後及夷狄君長之子襲官爵者皆辨其嫡庶詳其可否以上尚書若諸蕃大酋渠有封建禮命則受冊而往其國凡天下寺觀三綱及京都大德皆取其道德高妙為衆所推者補充上尚書祠部凡皇帝皇太子為五服之親及大臣發哀臨弔則贊相焉凡詔葬大臣一品則卿護其喪事二品則少卿三品丞一人往皆命司儀以示禮制也

丞二人從六品上

秦有典客丞漢因之武帝改曰大鴻臚丞比千石魏晉皆因之東晉省梁

鴻臚丞班第三陳因之後魏列卿丞從五品中太和二十二年降為第七品北齊為第七品下後周賓部有上

士一人隋鴻臚丞二人止七品上大業五年加為從三品皇朝為從第六品上

主簿一人從七品上

漢官儀鹵簿篇鴻臚駕四馬主簿晉令大鴻臚置主簿錄事史梁天

監七年十二卿各置主簿位不登十八班者別為七班主簿班第三陳因之後魏闕文北齊有功曹五官主簿隋鴻臚寺主簿一人皇朝因之武德中

錄事二人從九品上

丞掌判寺事

主簿掌印勾檢稽失

錄事掌受事發辰

典客署令一人從七品

周禮有掌客上士二人漢鴻臚屬官有行人武帝改為大行令

魏改曰客館令晉改曰典客宋永初中分置南北客館令丞齊有客館令梁有典客館令丞在七班之下為三品勳位陳因之後魏典客監從五品太和十五年置主客令北齊鴻臚寺統典客署後周有東南西北四掌客各上士一人隋鴻臚卿統典客署令丞煬帝改曰典蕃署又於國門外置四方館以待四方使客各掌其方國及互市之事皇朝以四方館隸中書改典蕃曰典客署

丞二人從八品下

周禮掌客有下士四人漢大行令有丞北齊有典客丞隋有典客丞二人

皇朝
因之

掌客十五人正九品上

隋置皇朝因之有
典客賓僕等員

典客令掌二王後介公鄒公之版籍及東夷西戎南蠻
北狄歸化在蕃者之名數丞為之貳凡朝貢宴享送迎
預焉皆辨其等位而供其職事凡酋渠首領朝見者則

館而以禮供之

三品已上準第三等四品五品準第四
等六品已下準第五等其無官品者大

酋渠首領準第四等小酋渠首領準第五等所乘私畜
抽換客舍放牧仍量給芻粟若諸蕃獻藥物滋味之屬
入境州縣與蕃使苞匭封印付客及使具其名數牒寺
寺司勘訖牒少府監及市各一官領識物人定價量事

奏送仍牒中書具客所將獻物應須引見宴勞別聽進止

若疾病所司遣醫人給以

湯藥若身亡使主副及第三等已上官奏聞其喪事所

須所司量給欲還蕃者則給輦遞至境

首領第四等已下不奏聞但差

車牛送諸蕃使主副五品已上給帳氈席六品已下給

幕及食料丞一人判厨事季終則會之若還蕃其賜各有差給於朝堂典客佐其受領教其拜謝之節焉

司儀署令一人八品下

周禮有司儀上士中士漢大鴻臚有治禮郎後魏太和十五年

置司儀官北齊鴻臚寺統司儀令丞後周司儀上士一人中士二人隋鴻臚卿統司儀署令丞皇朝因之領司

儀齋郎掌

設幕士等

丞一人正九品下

北齊有司儀丞一人隋有二人皇朝減一人

司儀令掌凶禮之儀式及供喪葬之具丞為之貳

若皇帝

太后皇后皇太子為五服之親舉哀本服周年者三朝哭而止大功者其日朝臨哭而止小功已下及皇帝為內命婦二品已上者百官執事及散官一品喪皇太后皇后為內命婦三品已上喪皇太子為三師三少及宮臣三品已上並一舉哀而止皇帝臨臣之喪一品服錫纁三品已上總纁四品已上疑纁皇太子臨弔三師三少則錫纁宮臣四品已下疑纁凡京官職事三品已上散官二

品已上遭祖父母父母喪京官四品及都督刺史并內

外職事若散官以理去官五品已上在京薨卒及五品之官死王事者將葬皆祭以少牢司儀率齋郎執俎豆以往三品已上又贈以束帛一品加乘馬既引又遣使贈於郭門之外皆以束帛一品加璧凡百官以理去職而薨卒者聽歛以本官之服無官者介幘单衣婦人有

官品者亦以其服歛

應佩者皆用蠟代玉

凡設鬲及銘旌轎車之

屬有差

一品懸鬲六五品以上四六品已下二凡銘旌三品已上長九尺五品已上八尺六品已下七

尺皆書云某官封姓名之柩其轎車三品已上油幃朱絲絡網施襪兩廂畫龍幃竿諸末垂六旒蘇七品已上

油愜施襪兩廂畫雲氣四旒蘇八品已下無旒蘇男子
愜襪旒蘇皆用素婦人皆用蘇庶人鼈甲車無愜襪畫

飾凡引披鐸翠挽歌方相魁頭纛帳之屬亦如之三品已上

四引四披六鐸六翠挽歌六行三十六人有挽歌者鐸
休歌人數已下準此五品已上二引二披四鐸四翠挽

歌四行十有六人九品已上二鐸二翠其執引披者皆
布幘布深衣挽歌者白練幘白禱衣皆執鐸帳其方相

四目五品已上用之魁頭兩目七品已上用之並衣
朱裳執戈楯載於車其纛五品以上竿長九尺六品已

下五尺其下帳五品已上用素
繒六品已下用練婦人用練
凡五品已上薨卒及葬

合弔祭者應須布深衣幘素三梁六柱輦皆官借之其

內外命婦應得鹵簿者亦如之
凡葬禁以石為棺柳者
其棺柳禁雕鏤練畫施

戶牖櫺檻者招內禁
金寶珠玉而斂者
凡職事官五品已上葬者皆給營

墓夫

一品百人每品以二十人為
差五品二十人皆役功十日
凡以理去官及散官

三品已上與見任職事同其五品以上減見任職事之

半致仕者同見任

其百官薨卒喪事及葬應以官供者
皆所司从本屬上于尚書省尚書省

乃下寺寺下司儀司
儀準品而料上於寺
凡五品已上薨卒及三品已上有

周已上親喪者皆示其禮制焉

唐六典卷十八

欽定四庫全書

唐六典卷十九

唐 張九齡等 撰

司農寺

司農寺

卿一人

少卿二人

丞六人

主簿二人

錄事二人

府三十八人

史七十六人

計史三人

亭長九人

掌固七人

上林署

令二人

丞四人

府七人

史十四人

監事十人

典事二十四人

掌固五人

太倉署

令三人

丞六人

府十人

史二十人

監事十人

典事二十四人

掌固八人

鈎盾署

令二人

丞四人

府七人

史十四人

監事十人

典事十九人

掌固五人

導官署

令二人

丞四人

府八人

史十六人

監事十人

典事二十四人

掌固五人

太原永豐倉

監一人

丞二人

錄事一人

府三人

史六人

典事八人

掌固六人

龍門等諸倉

每倉監一人

丞二人

錄事一人

府二人

史四人

典事六人

掌固四人

司竹監

監一人

副監一人

丞二人

錄事一人

府二人

史四人

典事三十人

掌固四人

溫泉湯監

監一人

丞一人

錄事一人

府一人

史二人

掌固四人

京都苑總監

監各一人

副監各一人

丞各二人

主簿各一人

錄事各二人

府各八人

史各十六人

典事各六人

亭長各四人

掌固各六人

京都苑四面監

監各一人

副監各一人

丞各二人

錄事各一人

府各三人

史各六人

典事各六人

掌固各六人

諸屯監

監一人

丞一人

錄事一人

府一人

史二人

典事二人

掌固四人

每屯主一人

屯副一人

九成宮總監

監一人

副監一人

丞一人

主簿一人

錄事一人

府三人

史五人

司農寺卿一人從三品

左傳少昊氏九扈為九農正尚書舜命棄為后稷播時百穀周

官冢宰有太府下大夫鄭氏注云若今司農漢書百官表云治粟內史秦官掌穀貨有兩丞景帝更名大農令武帝更名大司農秩中二千石屬官有太倉均輸平準都內籍田五令丞幹官鐵市兩長丞又郡國諸倉農監都水六十五官長丞皆屬焉又有治粟都尉武帝軍官不常置王莽改大司農曰羲和後更為納言後漢改為

大司農魏因之品第三晉置功曹主簿錄事等員哀帝省併都水孝武帝復置宋齊因之未有卿名梁天監七年象四時置十二卿司農為春卿班第十一又置勸農謁者亦隸司農陳因之梁後魏大司農第二品上太和二十二年改第三品北齊因之後周依周官有司農上士一人掌三農九穀稼穡之政令隋司農卿一人正三品煬帝降為從三品司農但統上林太倉鉤盾導官四署罷典農華林二署以平準京市隸太府寺掌苑園薪芻蘊炭市易度量皇朝因之龍朔二年改司稼寺正卿咸亨中復舊

少卿二人從四品上

後魏初置少卿第三品太和二十二年為正第四品上北齊因之後

周司農有中士一人隋品全北齊煬帝加置二人降為從四品龍朔咸亨隨寺改復

司農卿之職掌邦國倉儲委積之政令總上林太倉鉤

看導官四署與諸監之官屬

舊屬官又有太和玉山九成宮農圃等三監開元二

十三
年省

謹其出納而脩其職務少卿為之貳凡京都百司

官吏祿廩皆仰給焉

每年支諸司雜物各有定額開元二十三年勅以為費用過多遂勸

減光祿寺左右羽林左右萬騎左右三衛閑廐使五坊使洛城西門東宮南街諸厨及總監司農鴻臚等司年

支雜物并括少府監庫內舊物四百餘萬

凡朝會祭祀供御所須及百官常料則率署監所貯之物以供其事凡孟春吉亥皇帝親藉田之禮有事于先

農則奉進耒耜

兩漢及魏晉並有其禮過江草創耒耜至宋始有齊因之猶不齋不祭至梁天

監中依國語禮記散齋七日致齋三日於耕所設先農神座薦羞之禮如社稷陳因之後魏闕北齊籍於城東南千畝設御壇於阡陌東正月吉亥使公卿祀先農於壇上祀訖帝降至耕位執耒三推升壇即坐一品五推二品七推三品九推籍田令帥屬以牛耕終千畝以青箱奉種稂之種司農詣耕所灑之糞訖省功奏事畢帝降之使殿更衣宴饗班賚而還後周無聞隋於啓夏門外置地千畝為壇孟春吉亥祭先農以後稷配牲用太牢皇帝服衮冕備法駕乘耕根車祀三獻訖因耕司農授耒皇帝三推執事以授應耕者各以班五推九推司農率其屬終畝皇朝因之開元二十三年正月親耕於洛陽東門外諸儒奏議以為古者耦耕以一撥為一推其禮久廢今用牛耕宜以一步為一推及親籍田太常卿告三推禮畢上曰朕憂農人之勤勞欲俯同九推遂九推而止於是公季冬藏冰祭司寒以黑牡秬黍仲卿以下皆過於古云

春啟水亦如之

丞六人從六品上

秦治粟內史有兩丞漢因之武帝改為大司農亦兩丞及桑弘羊為大司

農置部丞數十人分部主郡國將以興利後漢司農丞一人比千石部丞二人六百石部丞主帑藏魏因之品

第七晉亦品第七進賢一梁冠介幘皐衣銅印黃綬宋齊梁陳司農丞墨綬後魏從五品中太和二十二年為

七品下北齊因之隋司農丞五人品從第六大業五年加至從五品皇朝武德中置四人貞觀中加置六人

主簿二人從七品上

晉太康中置主簿二人宋齊無開梁置一人七班之中第三陳因之

後魏不見北齊司農寺有功曹五官主簿隋司農主簿二人皇朝因之

錄事二人從九品上

丞掌判寺事凡天下租稅及折造轉運于京都皆閱而

納之每歲自都轉米一百萬石以祿百官及供諸司若

駕行幸東都則減

或罷

之凡受租皆於輸場對倉官租綱

吏人執籌數函其函大五斛次三斛小一斛其諸州豪

秬應輸京都者閱而納之以供祥麟鳳苑之馬凡朝會

祭祀米物薪芻皆應時而給

若應供御進內則據本司移牒而供之其中書門下

尚書省御史臺史館集賢院別敕定名使并吏部兵部入宿令史中書門下令史諸楷書手寫書課皆有炭料

凡官戶奴婢男女成人先以本色媿偶若給賜許其妻

子相隨若犯籍沒以其所能各配諸司婦人巧者入掖庭

主簿掌印省署抄目勾檢稽失凡署木契二十隻應預

出納與署合之

十隻與太常署合十隻與導官署合皆對刊作雌雄主簿掌雌留署勘然後出

給

錄事掌受事發辰

上林署令二人從七品下

漢書百官表水衡都尉武帝置掌上林苑屬官有上林令

丞尉又有甘泉上林長丞又步兵校尉掌上林苑又少府屬官有上林中土地監上林者漢之苑囿也司馬相

如有上林賦後漢上林苑令一人六百石主苑中禽獸
頗有人居皆主之捕得其獸送太官丞一人三百石魏
晉因之江左闕其官宋武帝復置隸尚書殿中曹及少
府齊因之梁陳屬司農後魏闕文北齊及隋並屬司農
皇朝
因之

丞四人從八品下

漢水衡都尉上林有八丞後漢魏晉
並一人江左省宋武帝置齊梁陳並

一人後魏闕文北齊上林丞
八人隋置二人皇朝置四人

監事十人從九品下

上林署令掌苑園池之事丞為之貳凡植果樹蔬菜

以供朝會祭祀其尚食進御及諸司常料亦有差

諸司
吏執

抄踰詣圖
然後給之

凡季冬藏冰

每歲藏一千段方三尺厚一尺五寸所管州於山谷鑿而取之

先立春三日納之水井

周禮凌人掌冰政歲十有二月令斬冰三其凌春始治鑑夏頒

冰秋刷鄭玄云凌冰室也刷清也刷除凌室更納新冰西陸朝覲而出之以進御焉

太倉署令三人從七品下

石氏星經天倉六星在婁南倉穀所藏南四星天庾積厨

粟之所天圉十三星乃倉廩之屬主御糧也史記云武王伐殷散鉅橋之粟周禮有廩人下大夫上士秦漢大司農屬官太倉令丞各一人文帝時淳于意為之後漢太倉令一人六百石魏品第七晉宋齊梁陳亦然後魏開文北齊司農統太倉令丞後周有司倉下大夫隋太令署令二人米廩督二人穀倉督四人鹽倉督二人皇朝署太倉令三人東都則曰含嘉倉

丞六人從八品下

秦漢魏晉宋齊梁陳北齊皆有丞一人隋太倉丞六人皇朝因之

監事十人從九品下

太倉署令掌九穀廩藏之事丞為之貳凡鑿窖置屋皆

銘軌為庾斛之數與其年月日受領粟官吏姓名又立

牌如其銘焉

輸米粟二斛課粟一圍三斛極一枚米二十斛籬條一領粟四十斛者一蕃麥及雜

種亦如之以充倉窖所用仍令輸人營備之凡粟支九年米及雜種三年

三年斛聽耗一升五年已上二升

凡京官之祿發京倉以給

中書門下御史臺尚

書省殿中省內侍省九寺三監左右春坊詹事府京兆河南府並第一般上旬給十八衛諸王府率更家令僕

寺京都總監內坊並第二般中甸給諸公王府邑司東
宮十率府九成官總監兩京畿府官並第三般下甸給
餘司無額給公糧者皆承尚書省符丁男日給米二升
鹽二勺五撮妻妾

老男小則減之若老中小男元官及見驅使
兼國子監學生鍼醫生雖未成丁亦依丁例

鈎盾署令二人正八品上

漢少府屬官有鈎盾令丞茂
陵中書云鈎盾官者近署兵

器所造昭紀云帝初立年八歲耕于鈎盾弄田應劭云
帝時幼未能親耕帝籍鈎盾官者近署故往試為弄田
後漢令六百石魏氏闕文晉大鴻臚屬官有鈎盾令宗
齊梁陳省其官後魏闕文北齊大司農統鈎盾令丞隋
司農統鈎盾署令三人掌薪芻及炭鵝鴨
蒲蘭陂池藪澤之物皇朝令二人丞四人

丞四人正九品上

漢有五丞後漢置一人四百石又有
苑丞永安瀉池丞並隸鈎盾魏氏因

之隋鉤盾十二丞
皇朝減置四人

監事十人從九品下

後漢鉤盾令從官四十人晉鉤盾令置主簿錄事各一人

鉤盾署令掌供邦國薪芻之事丞為之貳凡祭祀朝會

賓客享宴隨其差降而供給焉

凡京官應給炭五品已上日二斤蕃客在館第

一等人日三斤已下各有差具和市木種一十六萬根每歲納寺如用不足以苑內蒿根柴兼之其京兆岐隴州募丁七千人每年各輸作木種八十根春秋二時送納若駕在都則於河南府諸縣市之少尹一人與御相

知檢

凡孳生鵝鴨雞彘之屬皆令官奴婢為課養之

導官署令二人八品上

秦漢少府屬官有導官令丞主擇米以供祭祀及御饌導擇也

後漢屬大司農令六百石丞三百石魏晉宋齊皆有令
丞梁在七班之下為三品勲位陳因之後魏闕文北齊
及隋皆有令丞並屬司
農皇朝因之置令二人

丞四人正九品上

秦漢魏皆有丞晉氏不置宋齊又置
梁陳復省隋有五丞皇朝置四人

監事十人從九品下

晉導官令置主簿錄事酒吏鼓吏
等北齊導官有御細部麴麴部典

庫部等倉督隋導官署有
御細倉督麴麴等倉督

導官署令掌供御導擇米麥之事丞為之貳凡九穀之
用有為糗糈有為麴蘖有為粉脂皆隨其精麤差其耗
損而供給之

太原永豐龍門監每倉監一人正七品下

漢書鄭生云
據教倉之粟

又吳有海陵倉大司農屬官有諸倉長丞後漢河南尹屬官有滎陽穀倉長丞魏書有邙閣倉亦其事也東晉有東倉石頭倉宋齊因之梁司農統左中右三部倉丞陳氏亦同後魏闕文北齊司農有梁州及石濟之水次倉隋初漕關東之粟以實京邑衛州黎陽倉滎陽洛口倉洛州河陽倉陝州常平倉潼關渭南亦皆有倉以轉運之各有監官皇朝因之

丞二人從八品上

諸倉監各掌其倉窖儲積之事丞為之貳凡粟出給者每一屋一窖盡贖者附計欠者隨事科徵非理欠損者

坐其所由令徵陪之凡出納帳歲終上于寺焉

司竹監監一人止七品下

漢官有司竹長丞魏晉河內淇園竹各置司守之官江左

省後魏有司竹都尉北齊後周並闕隋有司竹監及丞皇朝因之今在京兆鄠盩厔懷州河內縣

副監一人止八品下

丞二人從八品上

司竹監掌植養園竹之事副監為之貳凡宮掖及百司所須簾籠筐篋之屬命工人擇其材幹以供之其筍則以時供尚食歲終以竹功之多少為之考課

丞掌判監事

溫泉湯監一人正七品下

辛氏三秦記云驪山西有溫湯先以三牲祭乃得洗不祭

則爛人肉俗說云秦始皇與神女戲不以禮神女唾之生瘡始皇怖謝乃為出溫泉洗之立愈抱朴子曰水有溫泉之湯池火有蕭丘之寒燭漢魏已來相承云能為邪蠲疫今在新豐縣西後周庾信有溫泉碑皇朝置溫泉宮常所臨幸又京兆府藍田縣有石門湯岐州郿縣有鳳凰湯同州有北山湯河南府有陸渾湯汝州有廣成湯天下諸州往往有之然地氣溫潤殖物尤早卉木凌冬不凋蔬果入春先熟比之驪山多所不逮

丞一人從八品上

溫泉湯監掌湯池宮禁之事丞為之貳凡駕幸溫湯其

用物不支所司者皆供之若有防堰損壞隨時脩築之
凡王公已下至於庶人湯泉館室有差別其貴賤而禁
其踰越凡近湯之地潤黷所及瓜果之屬先時而育者
必為之園畦而課其樹藝成熟則苞匭而進之以薦陵
廟

主簿一人從九品下

九成宮監掌檢校宮苑供進合鍊藥餌之事副監為之
貳

丞掌判監事

主簿掌印句檢監事

唐六典卷十九

欽定四庫全書

唐六典卷二十

唐 張九齡等 撰

太府寺

太府寺

卿一人

少卿二人

丞四人

主簿二人

錄事二人

府二十五人

史五十人

計史四人

亭長七人

掌固七人

兩京諸市署

令各一人

丞二人

錄事一人

府三人

史七人

典事二人

掌固一人

平準署

令一人

丞四人

錄事一人

府六人

史十三人

監事六人

典事二人

價人十人

掌固二人

左藏署

令三人

丞五人

府九人

史十八人

監事八人

典事十二人

掌固八人

右藏署

令二人

丞三人

府五人

史十三人

監事四人

典事七人

掌固十人

常平署

令一人

丞二人

府四人

史八人

監事五人

典事五人

掌固六人

太府寺卿一人從三品

周禮天官有太府下大夫上士下士掌九貢九賦九功之式以

受其貨賄之入頒其貨于受藏之府頒其賄於受用之府凡官府都鄙之吏及執事者受財用焉則令太府之任也秦漢已下不置其官其職并於司農少府梁天監七年始置太府班第十三掌金帛府帑統右藏令上庫丞大市南市北市令關津亦皆屬焉陳因之品第三後魏太和中始改少府為太府卿品第三北齊因之後周有太府中大夫又有計部中大夫隋太府寺卿一人正三品上其左藏左內右內三尚方司染右藏掌治甄官等署各置令丞至煬帝分太府寺置少府監管三尚方及司染掌冶等署而太府寺管左右藏及兩市平準等署大業四年降為從三品皇朝因之至龍朔二年改為外府正卿咸亨元年復故光宅元年改為司府寺神龍

初復
舊

少卿二人從四品上

後魏孝文帝改少府為太府置少卿一人第四品上北齊因之隋煬

帝加至二人降為從四品皇朝減一人貞觀中復置二人龍朔咸亨尤宅神龍並隨寺改復

太府卿之職掌邦國財貨之政令總京都四市平準左

右藏常平八署之官屬舉其綱目修其職務少卿為之

貳以二法平物一曰度量

度謂分寸尺丈量謂合升斗斛

二曰權衡

權重

也銜平也

金銀之屬謂之寶錢帛之屬謂之貨絹曰匹布曰

端綿曰屯絲曰約麻曰緌金銀曰錠錢曰貫凡四方之

貢賦百官之俸秩謹其出納而為之節制焉

諸州庸調及折租等

物應送京者並貯左藏其雜送物並貯右藏
庸調初至京日錄狀奏聞每旬一奏納數

凡絹布出

有方土類有精粗絹分為八等布分為九等所以遷有

無和利用也

宋亮之絹復州之紵宣潤沔之火麻黃州
之貨並第一等鄭汴曹懷之絹常州之紵

舒蘄黃嶽荆之火麻廬和晉泗之貨並第二等滑衛陳
魏相冀德海泗濮徐兗貝博之絹楊湖沔之紵徐楚廬
壽之火麻絳楚滌之貨並第三等滄瀛齊許豫仙棣鄆
深莫沼邢恒定趙之絹蘇越杭蘆之紵澧朗潭之火
麻澤潞沁之貨並第四等潁淄青沂密奇幽易申光安
唐隨黃之絹衛饒洪婺之紵京兆太原汾之貨並第五
等益彭蜀梓漢劍遂簡綿襄褒鄧之絹鄂江之紵棗洋
同岐之貨並第六等資眉邛雅嘉陵閬普壁集龍果洋
渠之絹台括撫睦歙虔吉溫之紵唐慈坊寧之貨並第
七等通巴蓬金均開合興利泉建閩之絹泉建閩表之

紆登萊鄧之質並第八等
金均合之質並第九等

凡供祀昊天上帝幣以蒼配

帝亦如之皇地祇幣以黃配帝亦如之祀大明幣以青
夜明幣以白神州幣以黃太社太稷之幣皆以玄后稷
亦如之先農幣以青先蠶幣以玄蜡祭神農幣以赤伊
祁氏幣以玄祀五方帝五帝五官內官中官外官五星
二十八宿及衆星嶽鎮海岷林川澤丘陵墳衍等之幣
皆以其方色祈告宗廟之幣及孔宣父齊太公皆以白
凡幣皆長一丈八尺

丞四人從六品下

梁選部太府丞一人品從第七陳因之後魏亦一人品第七下後周太府

上士一人亦丞之任也隋太府丞六人正七品下大業三年增為從五品皇朝置四人從六品上垂拱中省一

人開元

又加焉

主簿二人從七品上

梁置太府主簿一人七班之中為第三陳因之後魏主簿一人隋四

人從七品皇朝置二人至太極中省一人太府寺管木契七十隻十隻與左藏東庫合十隻與左藏西庫合十隻與右藏內庫合十隻與右藏外庫合又十隻與東都左藏庫合十隻與東都右藏庫合各九雜一雌九雜太府主簿掌一雌庫官掌又五隻與左藏朝堂庫合五隻與東都左藏朝堂庫合各四雜一雌其契以次行用

錄事二人從九品上

丞掌判寺事凡左右藏庫帳禁人之有見者若請受輸
納人名物數皆著於簿書每月以大摹印紙四張為之
簿而丞衆官同署月終留一本於署每季錄奏無申所
司凡元正冬至所貢方物應陳於殿庭者受而進之凡
會賜及別敕錫賚六品已下即於朝堂給之主簿掌印
省署抄目勾檢稽失凡置木契九十五隻二十五隻與
少府將作苑總監合七十隻與庫官合十五隻刻少府
監字十四隻雖付少府監五隻刻將作監字四隻雄付

將作監五隻刻苑總監字四隻雄付苑總監皆應索物
雌留太府寺凡官私斗秤丈尺每年八月詣寺校印署
無或差繆然後聽用之

禮記月令云仲春仲秋日夜分則同度量平權衡正鈞石角斗

兩

錄事堂受事發辰

兩京諸市署各令一人從六品上

昔神農祝融氏始作市易曰日中為市

天下之民聚天下之貨交易而退各得其所蓋取諸噬
嗑石氏星經天市垣二十二星周禮地官有司市下大
夫上士中士下士其屬有賔人廛人胥師賈師司暴司
稽肆長蓋諸市官也漢改秦內史為京兆尹其屬官有

長安市長丞後漢河南尹屬官有雒陽市長丞魏晉因之東晉隸丹陽尹宗齊因之梁始隸太府梁選部大市今屬四品市職之任不容過卑天監三年革其選陳因之後魏京邑市令從五品中北齊司州牧領東西市署令丞後周司市下大夫一人隋司農寺統京市令丞煬帝三年改京市隸太府寺京師東市曰都會西市曰利人東都東市曰豐都南市曰大同北市曰通遠皇朝因之京置東西南三市按東都西則隨南市也南市則隨東市也都南市舊兩坊之地武德中減為坊半焉垂拱中省京南市開元十年又省都西市

丞各二人正八品上

後漢雒陽市丞一人三百石魏晉宋齊因之梁有太南北三市丞位

在七班之下陳因之後魏闕文北齊有東西市丞後周有小司市上士下士一人隋有京市丞皇朝因之

京都諸市令掌百族交易之事丞為之貳凡建標立候

陳肆辨物

按周禮肆長各掌其肆之政令陳其貨賄名相近者相遠也實相近者相通也而平正之

以二物平市

謂秤以格斗以概

以三賈均市

精為上賈次為中賈廉為下賈

凡

與官交易及懸平賦物並用中賈其造弓矢長刀官為

立樣仍題工人姓名然後聽鬻之諸器物亦如之以偽

濫之物交易者沒官短狹不中量者還主

周禮司市偽飾之禁在人

者十有二在商者十有二在賈者十有二在工者十有二王制亦云用器兵車不中度布帛精麤不中數幅廣狹不中量森色亂正色五穀不時果實未熟木不中伐禽獸魚鱉不中殺皆不鬻於市

凡賣買奴

婢牛馬用本司本部公驗以立券凡賣買不和而推固

推謂專畧其利
固謂郵固其市

及更出開閉共限一價

謂賣物以賤為
貴買物以貴為

賤若參市而規自入者並禁之

謂在傍高下其
價以相惑亂也

凡市以

日午擊鼓三百聲而衆以會日入前七刻擊鉦三百聲

而衆以散

周禮大市日昃而市百族為主朝市朝時而
市商賈為主夕市夕時而市販婦販夫為主

丞兼掌監印句稽

錄事掌受事發辰

平準署令二人從七品下

周禮有貨人中士下士主平
定物價也漢大司農屬官有

平準令丞韋昭辨釋名云平準主平物價使相依準史
記云桑弘羊領大農令以諸官各自市相事以故物多

騰躍乃請置大農部丞穀十人分部主郡國置平準於京師受天下委輸盡籠天下之貨物貴則賣之賤則買之如此則富商及大賈無所牟大利矣所以置平準焉故趙廣漢廉潔下士州舉茂才為平準令後漢大司農屬官有平準令丞各一人令六百石丞三百石掌知物價及主練染作采色至和帝改平準為中準以宦者為令丞列于內署自是諸署令悉用宦人魏氏關文晉少府屬官有平準令丞梁陳有平水令丞後魏關文北齊司農寺統平準令丞後周有平準中士下士隋司農屬官有平準署令丞煬帝三年改平準署隸太府寺皇朝之

丞四人從八品下

監事六人從九品下

平準令掌供官市易之事丞為之貳凡百司不在用之物則以時出貨其沒官物者亦如之

左藏署令三人從七品下

周禮有外府中士主泉藏之在外者掌邦布之出入以供

百物而待邦用也又有職幣上士中士主貨幣之入也並今左藏之職也至秦漢則分在司農少府後漢少府屬官有中藏府令丞各一人掌中藏幣帛金銀貨物魏氏因之晉少府屬官有左右藏令東晉御史九人各掌一曹有庫曹御史後復分庫曹置外左庫內左庫宋文帝省外左庫而內左庫直云左庫武帝復置前廢帝又省齊陳梁有右藏庫無左藏後魏闕文北齊太府寺統左右藏令丞後周有外府上士中士二人掌絹帛絲麻錢物皮角筋骨之藏隋有左藏署令丞皇朝因之左藏有東庫西庫朝堂庫又有東都庫東都朝堂庫各掌木

雌契一與太
府主簿合之

丞五人從八品下

隋有四人
皇朝加一人

監事八人從九品下

左藏令掌邦國庫藏之事丞為之貳凡天下賦調先於
輸場簡其合尺度斤兩者卿及御史監閱然後納于庫
藏皆題以州縣年月所以別麤良辨新舊也凡出給先
勘木契然後錄其名數及請人姓名署印送監門乃聽
出若外給者以墨印印之

凡官庫應入私已出庫而未
給付若私物當供官之物或

雖不供官而皆掌在其官並同官物之例也

凡藏院之內禁人然火及無故

而入者院內常四面持仗為之防守夜則擊柝分更以

巡警焉

右藏署令二人正六品上

周禮有內府中士主良貨賄藏之內也又有藏內上士中

士主泉貨所入並今右藏之職至秦漢已未則分在司農少府其職掌廢置並與左藏同隋太府寺統右藏令丞各三人皇朝因之右藏有內庫外庫東都庫各木雖契一隻與太府寺主簿合之

丞三人正九品上

隋有二人皇朝置三人

監事四人從九品下

右藏署令掌邦國寶貨之事丞為之貳

雜物州土安西
十闌之玉旣道

宣永安南邕等州之銀楊廣等州之蘇木象牙永州之
零陵香廣府之沉香霍香薰陸雞舌等香京兆之艾納
香紫草宣簡潤柳鄂衡等州之空青石碌辰漢州之硃
砂相州之白粉岩州之雌雄黃絳易等州之墨金州之
梔子黃檗西州之高昌碧石並府之大小黃白麻紙弓
弩弦麻梳發衢越等州之上細黃白狀紙均州之大模
紙宣衛等州之紫紙次紙蒲州之百日油細薄白紙河
南府許衛懷汝澤潞等州之兔皮廊寧同華魏晉蒲絳
汾等州之狸皮越州之竹管涇寧邠隴蓬等州之蠟蒲
絳鄭貝等州之氈河南府同鄧許等州之膠蒲同魏等
州之席涇丹廊坊等州之麻京兆岐燕等州之火燭九
四方所獻金玉珠貝玩好之物皆藏之出納禁令如左
藏之

常平署令一人從七品下

漢書食貨志管仲相桓公通輕重之權曰歲有凶穰故穀

有貴賤今有緩急故物有輕重人君不理則畜賈遊於市乘人之不給百倍其本矣故萬乘之國必有萬金之價千乘之國必有千金之價者利有所并也計本量委則足矣然人有飢餓者谷有所藏也人有餘則輕之故人君斂之以輕人不足則重之故人君散之以重凡輕重斂散以時即準平李悝曰糴甚貴傷民甚賤傷農民傷則離散農傷則國貧故甚貴甚賤其傷一也是故善平糴者必也謹觀歲有上中下熟故大熟則上糴三而舍一中熟則糴二下熟則糴一小飢則發小熟之所斂中飢則發中熟之所斂大飢則發大熟之所斂而糴之故雖遇飢饉水旱糴不貴而人不散孟子曰狗彘食人食而不知檢塗有餓莩而不知發蓋並常平之義漢宣帝即位歲穀豐穰穀至石五錢農人少利大司農中丞耿壽昌遂曰今邊郡皆築倉以穀賤時增其價而糴穀

貴時減其價以糶名常平倉人便之後漢明帝永平五年歲比登稔穀常滿倉立粟市於城東粟斛直錢三十晉武帝泰始四年乃立常平倉豐則糶儉則糶以利民東晉宋齊無閒梁有常平倉而不糶陳亦如之後魏太和十二年有司上言請京都度支歲用之餘各立官司年豐糶貯於倉時儉加私之二糶之於人非齊諸州郡皆別置富人倉初立之日準所領中下之戶計口數得支一年糧遂及當州穀價賤時斟量割當年義租充入谷貴下價糶之賤則還用所糶物依時價糶貯隋開皇三年於河西勒百姓立堡營田積京師置常平監又以倉庫尚虛衛州置黎陽倉洛州置河陽倉陝州置常平倉華州置廣通倉轉相委輸漕關東之粟以給京師又募人能於洛陽運米四十石經砥柱達于常平倉者免其征戍以此通轉運亦非糶糶皇朝垂拱初兩京置常平署天下諸州亦置之

丞二人從八品下

監事五人從九品下

常平令掌平糶倉儲之事丞為之貳凡歲豐糶穀賤人有餘則糶之歲饑糶穀貴人不足則糶之與正義倉帳具其本利同申凡出納禁令如左歲之職焉



唐六典卷二十